

**গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা।**

**সংবাদ গতিধারা**

ঢাকা, বৃহস্পতিবার ১৯ নভেম্বর ২০১৫, ৫ অঞ্চায়ণ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। জঙ্গিবাদের বিরুদ্ধে ঐক্যবন্ধ প্রতিরোধ গড়ে তুলুন : প্রধানমন্ত্রী
- ২। বিপুল জনগোষ্ঠীকে অর্থনৈতিক সেবার আওতায় আনতে হবে  
- সংবাদ সম্মেলনে রানি ম্যাস্কিমা : রাষ্ট্রপতি ও প্রধানমন্ত্রীর সঙ্গে সাক্ষাৎ
- ৩। সন্ত্রাস মোকাবিলায় বাংলাদেশ একযোগে কাজ করতে প্রস্তুত : প্যারিসে ইউনেস্কোতে শিক্ষামন্ত্রী
- ৪। আইনি প্রক্রিয়া অনুসরণ করেই ফাঁসি কার্যকর করা হবে : আইনমন্ত্রী
- ৫। সালাহউদ্দিন কাদের চৌধুরী ও আলী আহসান মোহাম্মদ মুজাহিদের ফাঁসি বহাল  
: রায় পুনর্বিবেচনার আবেদন আপিল বিভাগে খারিজ
- ৬। চলচিত্র মুক্তিযুদ্ধের চেতনা রক্ষায় কাজ করবে : তথ্যমন্ত্রী
- ৭। ফেসবুক, ভাইবার লাইন হোয়াটসঅ্যাপ বন্ধ  
- সোয়া ঘণ্টা ইন্টারনেট বিচ্ছিন্ন দেশ, এটা সাময়িক ব্যবস্থা : টেলিযোগাযোগ প্রতিমন্ত্রী
- ৮। দেশজুড়ে বিজিবি মোতায়েন : কেন্দ্রীয় কারাগারে কঠোর নিরাপত্তা
- ৯। টিআইবির নিবন্ধন বাতিলের সুপারিশ সংসদীয় কমিটির
- ১০। এবার দিনাজপুরে আরেক ইতালীয়কে হত্যার চেষ্টা
- ১১। রাষ্ট্রায়ত্ব ৪ ব্যাংকে পর্যবেক্ষক নিয়োগ
- ১২। রোববার প্রাথমিক সমাপনী শুরু : শিক্ষার্থী সাড়ে ৩২ লাখ

চলমান পাতা/২

**১। জঙ্গিবাদের বিরুদ্ধে এক্যবন্ধ প্রতিরোধ গড়ে তুলুন : প্রধানমন্ত্রী**

প্রধানমন্ত্রী ও সংসদ নেতা শেখ হাসিনা সন্তাস ও জঙ্গিবাদ মোকাবিলায় দেশবাসীর সহযোগিতা কামনা করে বলেছেন, যারা সন্তাস ও জঙ্গিবাদের সঙ্গে জড়িত তাদের বিরুদ্ধে এক্যবন্ধভাবে প্রতিরোধ গড়ে তুলতে হবে। তাদের ধরিয়ে দিয়ে শাস্তির মুখোমুখি করতে হবে। দেশ এগিয়ে যাচ্ছে, এগিয়ে যাবেই। দেশের এই অগ্রযাত্রা কেউই রক্খতে পারবে না। গণতন্ত্রের সুফল পেতে সংবিধানের পঞ্চাদশ সংশোধনীর কথা তুলে ধরে প্রধানমন্ত্রী শেখ হাসিনা বলেন, দেশে এখন ক্ষমতা দখলের কোনো সুযোগ নেই। অনৰ্বাচিত বা অসাধারিত কোনো সরকার যাতে বাংলাদেশের গণতন্ত্রের উন্নয়নের পথে বাধা হয়ে দাঁড়াতে না পারে সেজন্য সংবিধানে ৭(ক) অনুচ্ছেদ সন্নিবেশ করার মাধ্যমে অসাধারিত পদ্ধতিতে রাষ্ট্রক্ষমতা দখলের চেষ্টাকে রাষ্ট্রদ্বোধীতা হিসেবে চিহ্নিত করে এ ধরনের অপরাধের জন্য সর্বোচ্চ দণ্ডের বিধান করা হয়েছে। সূত্র-ইত্তেফাক (পৃ.১,ক.৬), সংবাদ (শেষ পৃ.ক.১), নিউজ টুডে (শেষ পৃ.ক.৬), ইভিপেনডেন্ট (শেষ পৃ.ক.৬)।

**২। বিপুল জনগোষ্ঠীকে অর্থনৈতিক সেবার আওতায় আনতে হবে**

- সংবাদ সম্মেলনে রানি ম্যাস্ক্রিমা : রাষ্ট্রপতি ও প্রধানমন্ত্রীর সঙ্গে সাক্ষাৎ

নেদারল্যান্ডসের রানি ম্যাস্ক্রিমা বাংলাদেশের জনগোষ্ঠীর ব্যাপক অংশকে অর্থনৈতিক সেবার আওতায় আনার ওপর বিশেষ গুরুত্ব দিয়েছেন। কারণ তাঁর মতে, দেশের জনসংখ্যার একটি বড় অংশ অর্থনৈতিক অন্তর্ভুক্তিমূলক প্রক্রিয়ার বাইরে আছে। বিপুল জনগোষ্ঠীকে অর্থনৈতিক সেবায় অন্তর্ভুক্তির ক্ষেত্রে গ্রাহকদের স্বার্থ নিশ্চিত করার উপরও তিনি জোর দিয়েছেন। তিনি দিনের বাংলাদেশ সফর শেষে গতকাল ১৮ নভেম্বর বুধবার ঢাকা ছাড়ার আগে রাজধানীতে এক সংবাদ সম্মেলনে রানি ম্যাস্ক্রিমা এ মত দেন। সফরের শেষ দিনে তিনি প্রথম প্রধানমন্ত্রী শেখ হাসিনার সঙ্গে গণভবনে এবং পরে বঙ্গভবনে রাষ্ট্রপতি মো. আবুন্দুল হামিদের সঙ্গে সৌজন্য সাক্ষাৎ করেন। সূত্র-প্রথম আলো (শেষ পৃ.ক.৪), সমকাল (শেষ পৃ.ক.১), বাংলাদেশ টুডে (পৃ.১,ক.৬), ডেইলি সান (শেষ পৃ.ক.২)।

**৩। সন্তাস মোকাবিলায় বাংলাদেশ একযোগে কাজ করতে প্রস্তুত : প্যারিসে ইউনেস্কোতে শিক্ষামন্ত্রী**

শিক্ষামন্ত্রী নুরুল ইসলাম নাহিদ বলেছেন, বাংলাদেশ সব ধরনের সন্তাসবাদ ও জঙ্গিবাদ মোকাবিলায় জিরো টলারেন্স নীতি গ্রহণ করেছে। শিক্ষামন্ত্রী ও ইউনেস্কো'র ভাইস প্রেসিডেন্ট নুরুল ইসলাম নাহিদ গত ১৭ নভেম্বর মঙ্গলবার রাতে প্যারিসে ইউনেস্কো সদর দপ্তরে আয়োজিত ইউনেস্কো লিডার্স ফোরামে প্রধানমন্ত্রী শেখ হাসিনার প্রতিনিধি হিসেবে বক্তৃতায় একথা বলেন। সূত্র-ইত্তেফাক (পৃ.২,ক.৫), সংবাদ (শেষ পৃ.ক.৪), প্রথম আলো (পৃ.৪,ক.৬)।

**৪। আইনি প্রক্রিয়া অনুসরণ করেই ফাঁসি কার্যকর করা হবে : আইনমন্ত্রী**

আইনমন্ত্রী আনিসুল হক বলেছেন, মানবতাবিরোধী অপরাধে মৃত্যুদণ্ডপ্রাপ্তদের ক্ষেত্রে জেল কোড প্রযোজ্য নয়। তাই ফাঁসির রায় কার্যকরে রিভিউর পূর্ণাঙ্গ রায় পাওয়ার প্রয়োজন হবে না। এর আগেই রায় কার্যকর করা সম্ভব। তিনি বলেন, সালাহউদ্দিন কাদের চৌধুরী ও আলী আহসান মোহাম্মদ মুজাহিদের ফাঁসির রায় কার্যকরের ক্ষেত্রে রিভিউ খারিজের পূর্ণাঙ্গ রায় না সংক্ষিপ্ত আদেশের দরকার হবে সেই বিষয়ে স্বরাষ্ট্রমন্ত্রী ও আইজি প্রিজনের সঙ্গে কথা বলে সিদ্ধান্ত নেওয়া হবে। গতকাল ১৮ নভেম্বর বুধবার রাতে গুলশানে নিজ বাসবভবনে সাংবাদিকদের কাছে এক প্রতিক্রিয়ায় আইনমন্ত্রী এসব কথা বলেন। সূত্র-ইত্তেফাক (পৃ.১,ক.১), ভোরের কাগজ (পৃ.১,ক.৮), ডেইলি সান (পৃ.১,ক.৫), নিউ নেশন (পৃ.১,ক.৪)।

**৫। সালাহউদ্দিন কাদের চৌধুরী ও আলী আহসান মোহাম্মদ মুজাহিদের ফাঁসি বহাল**

: রায় পুনর্বিবেচনার আবেদন আপিল বিভাগে খারিজ

চূড়ান্ত রায়ে বিএনপি নেতা সালাহউদ্দিন কাদের চৌধুরী ও জামায়াত নেতা আলী আহসান মোহাম্মদ মুজাহিদের ফাঁসি বহাল রয়েছে। গতকাল ১৮ নভেম্বর বুধবার সুপ্রিম কোর্টের আপিল বিভাগ তাদের দুটি রিভিউ আবেদন খারিজ করে দিয়েছেন। এখন রিভিউর রায় প্রকাশের সঙ্গে সঙ্গে জেল কর্তৃপক্ষ তাদের মৃত্যুদণ্ড কার্যকর করতে পারবে। তবে এই রায় কখন পাওয়া যাবে সে বিষয়ে নিশ্চিত করে কিছু বলতে পারেননি অ্যাটর্নি জেনারেল মাহবুবে আলম। অ্যাটর্নি জেনারেল আপিল বিভাগে আদেশের সংক্ষিপ্ত কপি সরবরাহের আবেদন জানান। জবাবে প্রধান বিচারপতি সুরেন্দ্র কুমার সিনহা জানিয়েছেন, সংক্ষিপ্ত আদেশের প্রয়োজন নেই। আমরা অল্প সময়ের মধ্যে রিভিউ খারিজের রায় প্রকাশ করব। সূত্র-ইত্তেফাক, সংবাদ, প্রথম আলো, ইনকিলাব, ভোরের কাগজ, জনকর্ত্ত, ডেইলি স্টার, ডেইলি সান, ডেইলি অবজারভার, নিউজ টুডে, ইভিপেনডেন্ট এ বিষয়ে লিড নিউজ ছেপেছে।

**৬। চলচ্চিত্র মুক্তিযুদ্ধের চেতনা রক্ষায় কাজ করবে : তথ্যমন্ত্রী**

তথ্যমন্ত্রী হাসানুল হক ইন্দু বলেছেন, ‘জঙ্গি-দানবের কার্যক্রমের ভেতর মুক্তিযুদ্ধের চেতনা ও দেশীয় সংস্কৃতি রক্ষায় চলচ্চিত্র ঢাল হিসেবে কাজ করবে’। গতকাল ১৮ নভেম্বর বুধবার ঢাকার উত্তরায় বাংলাদেশ ফিল্ম ও টেলিভিশন একাডেমির (বিএফটিএ) উদ্বোধন অনুষ্ঠানে প্রধান অতিথির বক্তব্যে তিনি এ কথা বলেন। সূত্র-সমকাল (পৃ.৪,ক.৪), বাংলাদেশ টুডে (পৃ.৩,ক.৬)।

**৭। ফেসবুক, ভাইবার লাইন হোয়াটসঅ্যাপ বন্ধ**

- সোয়া ঘণ্টা ইন্টারনেট বিছিন্ন দেশ, এটা সাময়িক ব্যবস্থা : টেলিযোগাযোগ প্রতিমন্ত্রী

ফেসবুক, ভাইবার, লাইন ও হোয়াটসঅ্যাপসহ সামাজিক যোগাযোগের কয়েকটি মাধ্যম বন্ধ করে দিয়েছে সরকার। গতকাল ১৮ নভেম্বর বুধবার দু'টি আলাদা নির্দেশনায় এসব মাধ্যম বন্ধ করে দেয় বাংলাদেশ টেলিযোগাযোগ নিয়ন্ত্রণ কমিশন (বিটিআরসি)। এছাড়া গতকাল ১৮ নভেম্বর বুধবার সোয়া এক ঘণ্টা ইন্টারনেট বিছিন্ন ছিল দেশ। সোয়া একটা থেকে আড়াইটা পর্যন্ত পুরো ইন্টারনেট সেবা বন্ধ করে দেয় সরকার। এ ব্যাপারে জানতে চাইলে টেলিযোগাযোগ প্রতিমন্ত্রী তারানা হালিম বলেন, রাষ্ট্রীয় নিরাপত্তার স্বার্থে সাময়িক ব্যবস্থা হিসেবে সামাজিক যোগাযোগের সাইটগুলো বন্ধ করা হয়েছে। তবে ইন্টারনেট সেবা কখনই বন্ধ করা হয়নি বলে তিনি দাবি করেন। প্রতিমন্ত্রী বলেন, কারিগরি ক্রটির কারণে কিছুক্ষণ ইন্টারনেট বিছিন্ন থাকতে পারে। এটা বন্ধ করার কোনো ইচ্ছে সরকারের নেই। নির্দিষ্ট সময়ে পরে বন্ধ সাইটগুলোও খুলে দেওয়া হবে বলে তিনি জানান। সূত্র-ইত্তেফাক (পৃ.১,ক.২), যুগান্তর (শেষ পৃ.,ক.৮), ডেইলি সান (পৃ.১,ক.৩), নিউ নেশন (শেষ পৃ.,ক.৬)।

**৮। দেশজুড়ে বিজিবি মোতায়েন : কেন্দ্রীয় কারাগারে কঠোর নিরাপত্তা**

যুদ্ধাপরাধের দায়ে মৃত্যুদণ্ডপ্রাপ্ত জামায়াত নেতা আলী আহসান মোহাম্মদ মুজাহিদ ও বিএনপি নেতা সালাহউদ্দিন কাদের চৌধুরীর বিরুদ্ধে রিভিউয়ের আদেশের পর রাজধানীসহ সারাদেশে নিরাপত্তা ব্যবস্থা জোরদার করা হয়েছে। অন্যান্যবারের মতো এবারও যুদ্ধাপরাধীদের বিরুদ্ধে চূড়ান্ত রায়ের পর সারাদেশে সহিংসতা ও বিশৃঙ্খলার আশঙ্কা করেন সাধারণ মানুষ। এর প্রেক্ষিতে গতকাল ১৮ নভেম্বর বুধবার পুলিশ সদর দফতর থেকে সারাদেশে পুলিশ ও র্যাবকে সর্বোচ্চ সর্তর্ক অবস্থায় থাকার নির্দেশ দেওয়া হয়েছে। নিরাপত্তা বাড়ানো হয়েছে ঢাকা কেন্দ্রীয় কারাগার, বিমানবন্দরসহ বিভিন্ন গুরুত্বপূর্ণ স্থাপনায়। স্বরাষ্ট্রমন্ত্রী আসাদুজ্জামান খান কামাল বলেন, দেশের আইন-শৃঙ্খলা পরিস্থিতি খুবই ভালো আছে, তবে আমরা মনে করছি কিছু হতে পারে। সে জন্যই এই ব্যবস্থা গ্রহণ করা হয়েছে। সূত্র-ইত্তেফাক (পৃ.১,ক.২), ভোরের কাগজ (পৃ.১,ক.১), ডেইলি সান (পৃ.১,ক.২), ডেইলি অবজারভার (পৃ.১,ক.৮)।

**৯। টিআইবি নিবন্ধন বাতিলের সুপারিশ সংসদীয় কমিটির**

ট্রান্সপারেন্সি ইন্টারন্যাশনাল বাংলাদেশের (টিআইবি) নিবন্ধন বাতিলের সুপারিশ করেছে আইন মন্ত্রণালয় সম্পর্কিত সংসদীয় কমিটি। গতকাল ১৮ নভেম্বর বুধবার সংসদের মিডিয়া সেন্টারে আয়োজিত সংবাদ সম্মেলনে কমিটির সভাপতি সুরক্ষিত সেনগুপ্ত এ কথা জানান। সূত্র-সমকাল (শেষ পৃ.,ক.৮), ইত্তেফাক (শেষ পৃ.,ক.৮), ডেইলি সান (শেষ পৃ.,ক.২), ইভিপেনডেন্ট (পৃ.১,ক.১)।

**১০। এবার দিনাজপুরে আরেক ইতালীয়কে হত্যার চেষ্টা**

ঢাকার ইতালীয় ও রংপুরে জাপানি নাগরিককে হত্যার পর এবার দিনাজপুরে আরেক ইতালীয়কে হত্যার চেষ্টা করেছে দুর্বৃত্তরা। গতকাল ১৮ নভেম্বর বুধবার শহরের বিআরটিসি বাস ডিপোর অদূরে ইতালীয় নাগরিক ও স্থানীয় সুইহারী ক্যাথলিক চার্চের ধর্মায়াজক ডাঃ পিয়েরো পারোলারিকে মাথার পিছনে গুলি করে হত্যার চেষ্টা করে ৩ মোটর সাইকেল আরোহী। আহত পিয়েরোকে দিনাজপুর মেডিকেল কলেজ হাসপাতালে প্রাথমিক চিকিৎসার পর উন্নত চিকিৎসার জন্য বিকালে হেলিকপ্টারে ঢাকায় আনা হয়। তাকে সম্মিলিত সামরিক হাসপাতাল-সিএমএইচ এ ভর্তি করা হয়েছে। তবে তার অবস্থা শক্তমুক্ত বলে জানা গেছে। সূত্র-ইত্তেফাক (পৃ.১,ক.১), ভোরের কাগজ (পৃ.১,ক.৫), নিউজ টুডে (পৃ.১,ক.২), ডেইলি সান (পৃ.১,ক.৮)।

**১১। রাষ্ট্রীয় ৪ ব্যাংকে পর্যবেক্ষক নিয়োগ**

রাষ্ট্রীয় বাণিজ্যিক খাতের চার ব্যাংকে পর্যবেক্ষক নিয়োগ করেছে বাংলাদেশ ব্যাংক। সমবোতা স্মারকের চুক্তি অনুসারে ব্যাংকগুলোর আর্থিক সূচকে উন্নতি না হওয়ায় এ সিদ্ধান্ত নেওয়া হয়েছে। গতকাল ১৮ নভেম্বর বুধবার কেন্দ্রীয় ব্যাংকের অফ-সাইট সুপারভিশন বিভাগ এ সংক্রান্ত পৃথক চারটি চিঠি ব্যাংক-কোম্পানি আইনের

৪৯ ধারা অনুসারে ব্যাংকগুলোর চেয়ারম্যানের কাছে পাঠিয়েছে। সুত্র-ইন্ডিফাক (পৃ.২,ক.৫), যুগান্তর (শেষ পৃ.,ক.১), ডেইলি সান (শেষ পৃ.,ক.৮), ডেইলি অবজারভার (শেষ পৃ.,ক.১)। ফিনানশিয়াল এক্সপ্রেস এ বিষয়ে লিঙ্গ নিউজ ছেপেছে।

#### ১২। রোববার প্রাথমিক সমাপনী শুরু : শিক্ষার্থী সাড়ে ৩২ লাখ

আগামী ২২ নভেম্বর রোববার থেকে প্রাথমিক ও ইবতেদায়ী শিক্ষা সমাপনী পরীক্ষা শুরু হচ্ছে। এবারের পরীক্ষায় অংশ নেবে ৩২ লাখ ৫৪ হাজার ৫১৪ জন। এর মধ্যে প্রাথমিক সমাপনীতে ২৯ লাখ ৪৯ হাজার ৬৩ ও ইবতেদায়ী সমাপনীতে ৩ লাখ পাঁচ হাজার ৪৫১ জন অংশ নেবে। প্রতিটি পরীক্ষা বেলা ১১টা থেকে দুপুর দেড়টা পর্যন্ত অনুষ্ঠিত হবে। তবে বিশেষ চাহিদা সম্পন্ন পরীক্ষার্থীদের জন্য অতিরিক্ত ২০ মিনিট সময় বেশি রাখা হয়েছে। পরীক্ষা শেষ হবে আগামী ২৯ নভেম্বর। সুত্র-ইন্ডিফাক (শেষ পৃ., ক.৫), সংবাদ (শেষ পৃ.,ক.৬), ইঙ্গিপেনডেন্ট (শেষ পৃ.,ক.২), বাংলাদেশ টুডে (পৃ.২,ক.৪)।

#### সম্পাদকীয়

- ক. প্রথম আলো, সমকাল, সংবাদ, যুগান্তর, যায়ায়াদিন : মুক্তিযুদ্ধে মানবতাবিরোধী অপরাধের দায়ে বিএনপির স্থায়ী কমিটির সদস্য সালাহউদ্দিন কাদের চৌধুরী ও জামায়াতের ইসলামী সেক্রেটারি জেনারেল আলী আহসান মোহাম্মদ মুজাহিদের ফাঁসির রায় পুনর্বিবেচনার পৃথক আবেদন খারিজ হয়ে যাওয়ার পর এর প্রতিবাদে জামায়াতে ইসলামীর হরতাল ভাকাকে গণতান্ত্রিক অধিকারের সঠিক ব্যবহার নয় উল্লেখ করে সব অপশঙ্কিকে রুখে শান্তি বজায় রাখার আহ্বান;
- খ. ইন্ডিফাক : বিশ্ব স্বাস্থ্য সংস্থার তথ্য মতে প্রতি বৎসর দেশে দুই লাখ ৫০ হাজার মানুষ ক্যান্সারে আক্রান্ত হওয়ার খবরে উদ্বেগ প্রকাশ করে ক্যান্সার চিকিৎসার সম্প্রসারণ ও মানোন্নয়নের দিকে নজর দেওয়ার সুপারিশ;
- গ. জনকর্ত্ত : শিক্ষাকে যুগোপযোগী, আধুনিক জ্ঞান-বিজ্ঞান, ধ্যান-ধারণার সঙ্গে সামঞ্জস্যপূর্ণ, মানবিক ও নীতি নৈতিকতা সম্পন্ন করার ওপর গুরুত্বারোপ;
- ঘ. সমকাল : দেশে উৎপাদিত ছয়টি পণ্যের মোড়কীকরণে পাটের ব্যাগের ব্যবহার বাধ্যতামূলক করার সরকারি সিদ্ধান্তের সফল বাস্তবায়ন প্রত্যাশা;
- ঙ. ইন্কিলাব : অর্থবছরের শুরু থেকেই রাজস্ব আদায়ে ঘাটতি ক্রমে বেড়ে রাজস্ব আয়ে বড় ধরনের বিপর্যয় দেখা দেওয়ায় এ ব্যাপারে কার্যকর পদক্ষেপ নেওয়ার সুপারিশ;
- চ. বাংলাদেশ টুডে : ওষুধের মান নিয়ন্ত্রণের ব্যাপারে ও ভেজাল ওষুধ আমদানিতে কঠোর ব্যবস্থার সুপারিশ;
- ছ. নিউ নেশন : দেশের দক্ষিণাঞ্চলের উপকূলীয় এলাকার বেশিরভাগ গর্ভবতী নারী রক্তশূন্যতা ও উচ্চ রক্তচাপের সমস্যায় ভুগছে উল্লেখ করে তাদের যথাযথ স্বাস্থ্যসেবার আওতায় আনার ওপর গুরুত্বারোপ করে সম্পাদকীয় প্রকাশ করেছে।

#### উপ-সম্পাদকীয়

ইন্কিলাব পত্রিকায় প্রকাশিত কলামে চাঁধল্যকর সাত খনের মামলার প্রধান আসামী নূর হোসেন সম্পর্কে সুষ্ঠু তদন্ত ও বিচার সম্ভব হলে আমাদের রাষ্ট্রের অপরাধ জগতের অনেক অকল্পনীয় তথ্য বেরিয়ে আসবে বলে উল্লেখ করা হয়েছে।

#### নিবন্ধ ও ফিচার

প্রথম আলো পত্রিকায় প্রকাশিত ‘সৃজনশীল কি সৃজনশীল থাকছে’ শিরোনামের নিবন্ধে প্রতীক বর্ধন সৃজনশীল পদ্ধতিতে শিক্ষকদের সবচেয়ে বেশি সৃজনশীল হতে হবে বলে উল্লেখ করা হয়েছে।

#